

全上古三代秦漢
三國六朝文

漢三國

第三
玉十冊

全三國文卷三十

烏程嚴可均校輯

魏三十

應璩

璩字休璉汝南人五官將文學場弟歷任文帝明帝為散騎常侍齊王時遷侍中為大將軍曹爽長史後復為侍中典著作嘉平四年卒贈衛尉卿有集十卷

與曹公牋

昔漢光武與戴子高有撫塵之好

藝文類聚六

薦和慮則牋

和模字慮則

璩聞唐堯因羣士已興治齊桓假眾能已定業是故八元進則太平之化成六賢用則九合之功立切見同郡和模字慮則質性純粹體度貞正履仁蹈義動循軌禮方今海內企踵欣慕捉髮之德

山林投褐思望旌弓之招實英奇敘用之時貢達進致之良秋也
令夜光之璧顯價于和氏之肆千里之足定功于伯樂之庭庶有

已宣明大道光益時化

藝文類聚五十三

薦賁伯偉賤

賁琳字伯偉

璩聞景雲浮則應龍翔治道明則雋乂臻是故良哉之歌興于唐

堯之世多士之頌起于周文之朝竊見太子舍人賁琳字伯偉稟

性純和體素清口宜授已千里之塗任已列曹之職

藝文類聚五十三御覽六

百三十二

與曹昭伯賤

爽字昭伯

空城寥廓所聞者悲風所見者烏雀昔陳司空為邑宰所在幽閑

獨坐愁思幸賴遊藝已娛其意已今況之知不虛矣

御覽九百四十七

與劉文達書

劉靖字文達

入作納言出臨京任富民之術日引月長藩落高峻絕穿窬之心

大三百九十八
小五十六

五種別出遠水火之災農器必具無失時之闕蠶麥有苦備之用
無雨溼之虞封符指期無流連之吏鰥寡孤獨蒙廩振之實加之
呂明摛幽微重之呂秉憲不撓有司供承王命百里垂拱仰辦雖
昔趙張三王之治未足呂方也

魏志劉
馥傳

僕頃倦遊談之事欲修無爲之術不能與足下齊鑣騁轡爭千里
之表也

御覽三百
五十八

與滿公琰書

炳字
公琰

璩白昨者不遺猥見照臨雖昔侯生納顧于夷門毛公受眷于逆
旅無呂過也外嘉郎君謙下之德內幸頑才見誠知已歡欣踴躍
情有無量是呂奔騁御僕宣命周求陽晝喻于詹何楊倩說于范
武故使鮮魚出于潛淵芳旨發自幽巷繁俎綺錯羽爵飛騰牙曠
高徽義渠哀激當此之時仲孺不辭同產之服孟公不顧尚書之
期徒恨宴樂始酣白日傾夕驪駒就駕意不宣展追惟耿介迄于

明發適欲遣書會承來命知諸君子復有漳渠之會夫漳渠西有
伯陽之館北有曠野之望高樹翳朝雲文禽蔽綠水沙場夷敞清
風肅穆是京臺之樂也得無流而不反乎適有事務須自經營不
獲侍坐良增邑邑因白不悉璩白

文選藝文類
聚二十八

與從弟君苗君胄書

璩報聞者北遊喜歡無量登芒濟河曠若發矇風伯埽途雨師灑
道案轡清路周望山野亦既至止酌彼春酒接武茅茨涼過大夏
扶寸肴脩味踰方丈逍遙陂塘之上吟詠菀柳之下結春芳曰崇
佩折若華曰翳日弋下高雲之鳥餌出深淵之魚蒲且讚善便嬾
稱妙何其樂哉雖仲尼忘味于虞韶楚人流遯于京臺無已過也
班嗣之書信不虛矣來還京都塊然獨處營宅濱洛困于囂塵思
樂汶上發于寤寐昔伊尹輟耕邳擘投竿思致君子有虞濟蒸人
于塗炭而吾方欲秉耒耜于山陽沈鉤緡于丹水知其不如古人

遠矣然山父不貪天地之樂曾參不慕晉楚之富亦其志也前者
邑人念弟無已欲州郡崇禮師官授邑誠美意也歷觀前後來入
軍府至有皓首猶未遇也徒有飢寒駿奔之勞俟河之清人壽幾
何且宦無金張之援遊無子孟之資而圖富貴之榮望殊異之寵
是隴西之遊越人之射耳幸賴先君之靈免負擔之勤追蹤丈人
畜雞種黍潛精墳籍立身揚名斯爲可矣無或遊言已增邑邑郊
牧之田宜已爲意廣開土宇吾將老焉劉杜二生想數往來朱明
之期已復至矣相見在近故不復爲書慎夏自愛璩白

文選魏文
類聚二十

與侍郎曹長思書

璩白足下去後甚相思想叔田有無人之歌闐闐有匪存之思風
人之作豈虛也哉王肅已宿德顯授何曾已後進見拔皆鷹揚虎
視有萬里之望薄援助者不能追參于高妙復斂翼于故枝塊然

獨處有離羣之志汲黯樂在郎署何武恥爲宰相千載揆之知其
有由也德非陳平門無結駟之跡學非楊雄堂無好事之客才劣
仲舒無下帷之思家貧孟公無置酒之樂悲風起于閨闈紅塵蔽
于机榻幸有袁生時步玉趾樵蘇不爨清談而已有侶周黨之過
閔子夫皮朽者毛落川涸者魚逝春生者繁華秋榮者零悴自然
之數豈有恨哉聊爲大弟陳其苦懷耳相還在近故不益言璩白

選文

與廣川長岑文瑜書

璩白頃者炎旱日更增甚沙礫銷鑠草木焦卷處涼臺而有鬱蒸
之煩浴寒水而有灼爛之慘宇宙雖廣無陰日憩雲漢之詩何已
過此土龍矯首于玄寺泥人鶴立于闕里修之歷旬靜無徵效明
勸教之術非致雨之備也知恤下民躬自暴露拜起靈壇勤亦至
矣昔夏禹之解陽盱殷湯之禱桑林言未發而水旋流辭未卒而

澤滂沛今者雲重積而復散雨垂落而復收得無賢聖殊品優劣
割髮宜及膚翳爪宜侵肌乎周征殷而年豐衛伐邢而致雨
善否之應甚于影響未可已爲不然也想雅思所未及謹書起子

應璩白

文選藝文類聚一百

與劉公幹書

鶉鷄棲翔鳳之條黿鼉游昇龍之淵識真者所爲憤結也

文選陸機吳王

郎中時從梁陳作詩注

與韋仲將書

夫已原憲縣罄之居而值皇天無已之雨室宇漸而作漏堂館洽
而爲泥薪芻既盡舊穀亦傾匱屠蘇發撤機榆見謀進無顏子不
改之志退無楊雄晏然之情是已懷蹙良不可堪人非神仙須仰
衣食方今體寒心飢憂在旦夕而欲東希誅昌治生之物西望陵
縣廚食之祿誠恐將爲牛蹄中魚卒鮑氏之肆矣

藝文類聚三十
五初學記十八

御覽

十一

與董仲連書

穀糴驚踊告求周鄰日獲數斗猶復無薪可已熟之雖孟軻困于
梁宋宣尼飢于陳蔡無已過此夫挾管晏之智者不有廝役之勞
懷陶朱之慮者不居貧賤之地出蒙誚于臧獲入見謫于嬪息忽
使已憤不知處世之爲樂也

藝文類聚三十
五初學記十八

與尙書諸郎書

夫秋節涼和霖雨清閒正高會之盛時飲宴之良日也而陋巷之
居無高密之宇壁立之室無旬朔之資流潦浸于北堂隙漏霑于
衣服藁蒸單竭檐石傾罄中饋告乏役者莫興飯玉炊桂猶尙優
泰雖欣皇天之降潤亮水車之思雨私懷蹙額良不可言想諸夫
子亦斯困也夫否泰潛升蓋由昏明二三執事已龍虎之姿遭風
雲之會方將飛騰闐闐振翼紫微運籌帷幄顯揚豐績豈久沈滯

于下職契闕于貧悴哉

藝文類聚三十五

檀氏園葵榮繁茂諸蔗瓜芋亦離離尚萌未知三生復何種植

御覽

九百七十四

與劉孔才書

聽廣陵之清散

文選嵇康琴賦注又謝靈運道路憶山中詩注又夢溪筆談五

與梁州刺史劉文爽書

足下內挹叔夷之清節外播二南之惠政德教加于百姓要道過

于侏國之卿也

書鈔

與夏侯孝智書

遭值有道之世免致貧賤之患撥鑒自照鬢已半白良可懼也

北堂

書鈔一百三十六

與洛陽令杜偉忠書

羊寄虎穴鵠托鷹巢心懷怵惕豈其任哉

北堂書鈔一百五十八

與王子雍書

卿校之從有職之事足下著書不起草占授數萬言言不改定事

合古典莫不歎息之矣書鈔

與母丘仲恭書

客館不畱賓官曹無停事書鈔

與趙叔潛書

入侍華幄出典禁闈文選陸機贈馮文熊遷斥丘令詩注

與王將軍書

雀鼠雖微猶知微烈文選劉孝標廣絕交論注又任昉為范始興求立太宰碑表注劉峻廣絕交論注竝作雖

愚

與龐惠恭書

頻見所上利民之術植濟南之榆栽漢中之漆藝文類聚八十八御覽九百五十六

與西陽令孔德琰書

大二百五十八
小一百二十七

嘉麥禎祥唯日未久不圖飛蝗一旦至止知恤蒸庶念存良苗親
發赫斯爰整其旅船背之叟皓首之黎莫不負戈奔走于道路旌
表曜于白日龜鼉震于雷動已此埽敵必將席卷況于微蟲能無
驚駭卓茂治密恭在中牟時雖有災未若斯勤亦猶子賤鳴琴巫
馬出入勞逸有殊立功惟一重雲比興不降靈雨麗此二災憂心
忡憊逐蝗之道謹聞教矣不審致禳將已何物文王修德已厭地
震湯禱桑林致克豐兩宜修善政已慰民望

藝文類聚一百

與楊生書

知楊生翻然遂登納言雖有所越亦其宜也傳說棄板築而為殷
相呂望投釣竿而為周師卓茂起閭里而為漢宰若此貧者乃奇
才耳瓊瓌尚書執憲之吏曷已為異哉

御覽二百一十二

與許子俊書

前別倉卒情意不悉追懷萬恨

文選任昉出郡傳舍哭范僕射詩注

足下已方剛之

盛年應不霸之勁勇將發虓虎之威致霜雪之誅擒吳梟蜀定功
萬里而劉備不下山孫權不出水武力不奮猛氣畜勇其毒如何

御覽四百

三十七

與崔元書

豈有亂首抗巾曰入都城衣不在體而曰適人乎昔戴叔鸞箕坐

見邊文禮此皆衰世之慢行也

御覽四百
九十八

與陰中夏書

從田來凡南野之中有徒步之士怪而問之乃知郎君頃有微疴

告祠社神將曰祈福聞之悵然曰增歎息虛社高樹能有靈應哉

御覽五百
三十二

體正者則檢于人質弱者則陋于眾

文選謝靈運還舊園作
見顏范二中書詩注

荅韓文憲書

昔公孫宏皓首入學顏涿聚十五始涉師門朝聞道夕殞聖人所

大四百五十七
小六十七

貴足下之年甫在不惑如曰學藝何晚之有有若能上迨南榮忘
食之樂下踵寧子黑夜之勤窮文盡義無微不綜規富貴之榮取
金紫之爵是夏侯勝拾芥之謂也

御覽六百一十四

報燕中尉樊彥皇書

攀袂登輿北踐燕路方當化銀龜曰爲黃變青組曰爲紫

御覽八百十九

報平陸長賁伯瑋書

從此辭矣何敢復飛蟬于惠文鳴玉于編組哉

御覽八百一十九

與程文信書

是曰忽此蘇子帶郭之業永彼孫叔寢丘之地欲求遠田在關之

西南臨洛水北據芒山託崇岫曰爲宅因茂林曰爲蔭

宋書謝靈運傳山居

賦注文選齊竟陵王行狀注別作應場御覽八百二十一

報東海相梁季然書

足下頓彌天之網收萬仞之魚量之曰谿谷數之曰陔兆何其壯

乎觀夫任公子之所釣此謂鱮鰕未足為吾子之道御覽八百三十四

書

左執屈盧之勁矛右秉干將之雄戟高冠拂雲長劍耿介蕭管振音厥聲載路馮軾虎視清風震疊可謂堂堂乎難與並為仁矣御覽

三百二十九

書

清猿與壺人爭旦海錄碎事文選任彥昇齊竟陵王行狀有此語注不云應璩書張溥百二家集引海錄碎事當

攷

應瑗

瑗未詳有集十卷

與桓元則書桓範字元則

敢不策馳敬尋後塵文選七命注

吳質

大三百一十四
小一百一十五

質字季重濟陰人建安中爲朝歌長遷元城令文帝受禪拜北
中郎將進振威將軍使持節都督幽并諸軍事封列侯太和四
年入爲侍中卒諡醜侯正元中改諡威侯

魏都賦

我太祖鴻飛充豫

文選沈約齊安陸王碑文注

英雄響附

文選陸倕石闕銘注

荅魏太子賡

二月八日庚寅臣質言奉讀手命追亡慮存恩哀之隆形于文墨
日月冉冉歲不我與昔侍左右廁坐眾賢出有微行之遊入有管
絃之歡置酒樂飲賦詩稱壽自謂可終始相保竝騁材力效節明
主何意數年之間死喪略盡臣獨何德已堪久長陳徐劉應才學
所著誠如來命惜其不遂可爲痛切凡此數子于雍容侍從實其
人也若乃邊境有虞羣下鼎沸軍書輻至羽檄交馳于彼諸賢非

其任也往者孝武之世文章爲盛若東方朔枚皋之徒不能持論
卽阮陳之儔也其唯嚴助壽王與聞政事然皆不慎其身善謀于
國卒呂敗亡臣竊恥之至于司馬長卿稱疾避事呂著書爲務則
徐生庶幾焉而今各逝已爲異物矣後來君子實可畏也伏惟所
天優游典籍之場休息篇章之囿發言抗論窮理盡微摘藻下筆
鸞龍之文奮矣雖年齊蕭王才實百之此眾議所呂歸高遠近所
呂同聲然年歲若墜今質已四十二矣御覽三百七十
三作四十三矣白髮生鬢
所慮日深實不復若平日之時也但欲保身敕行不蹈有過之地
呂爲知己之累耳遊宴之歡難可再遇盛年一過實不可追臣幸
得下愚之才值風雲之會時遭齒戟猶欲觸匈奮首展其割裂之
用也不勝悽悽呂來命備悉故略陳至情質死罪死罪文選
在元城與魏太子牋

臣質言前蒙延納待宴終日耀靈匿景繼呂華燈雖虞卿適趙平